



## CANTIC SPIRITUEL

*Var sujet ar Brinces Judith, pehini  
a zibennas Holofernes, Roue an  
Egypt, dirac kær Bethuli.*

Var ton Santez Genovefa.

PELL bras zo em boa bet esper  
Da implija lod va amzer  
Da ober eur C'hantic breton ,  
Agreabl da bobl va c'hanton.

Rac se e meus sònjet erfin  
E vije util d'am dessin  
Trei a c'hallec e brezonec  
Eun histor gaer a meus cavet.

Speret Divin hac adorabl ,  
Bezit em andret favorabl ;  
Güerc'hez santel , va zicouret  
Da zisclêria d'ar Vretonet.

Clêvet oc'h eus comz alies  
Eus ar Roue Holofernes ;  
Eun den cruel e voa meurbet ,  
Gant eur plac'h e voe dibennet.

Sònjal' eure dre e buissanç  
Ober d'ar bobl en assuranç  
E adori evit Roue ,  
Ha memes evit o Doue.

Mès ar bobl eus a Israël ,  
O veza da Zoue fidel ,  
Ne felle qet dezo suji ,  
Ma clasqas dont d'o zistruji.

Prepari eure eun arme ,  
Ma voa General varneze ,  
En esper dont d'o massacri  
Dirac ar guær a Vethuli.

Ar bobl-mâ , fidel d'o Doue ,  
A brepar ive eun arme  
Evit sònjal en em difen  
Rac aoun demeus o bourrevien.

Eur Brinces gaer , hanvet Judith ,  
O veza e kær Bethuli ,  
A laqas choas da gommandant  
Alchior , dre ma voa vaillant.

Laqet e voe da Goronal ,  
Var arine Israël General ;  
Petra benac n'oa qet Christen ,  
En devoa joa ouz o lezen.

Me ho lèz da gonsideri  
Ar valiç hac ar jaloui  
En d'oa Holofernes ar Roue ,  
Pa vel preparet e arme.

Dont eure e-unan da c'houlen  
Ha c'hoant o d'oa d'en em difen ;  
Petra voa o lezen , o Doue ,  
Pa n'oboissent d'ar Roue.

Alchior dezàn a respondas :  
Ar bobl-mâ o deus eur feiz vrás ;  
O Doue a zo oll-buissant ,  
Ha Roue eus ar firmamant.

E buissanç a zo quer bras ,  
Ma sicour ar bobl dre e c'hraç ;  
Hep dale e teuint d'ho ranversi ,  
Mar teuit da glasq o forci.

*Holofernes.*

Te gomz evel eun insolant ;  
Me rai dre eur gombat sanglant  
Dêvi ar guær a Vethuli ,  
Ha qement den a zo enni.

Abars pemp devez hac hirio ,  
Mar bez beo , te sur a velo  
Oun brassoc'h eguet o Doue :  
M'o lazo tout abars neuze.

*Alchior.*

Allas ! pobl paour , mervel zo ret ,  
Holofernes a zo fachet ;  
En em laquit en orêson  
Da bedi Doue a galon.

D'o sicour ellont resista  
En eur gombat evel houmâ ;  
Bras ha bian e ranquer mervel,  
Nicun n'en devezo qarter.

*Judith.*

Va Doue, leun a vadelez,  
C'houi ê hon Roue puissant iveauz ;  
Ho pezit sourci ac'hanomp,  
Ha qemerit truez ouzomp.

Na souffrit qet, ô va Doue !  
Ve eur maleürus a zeuffe  
A benn da derri ho lezen  
Ha da zistruch ar Gristenien.

Grit ma vezint oll punisset  
Evel an Egyptianet :  
Dre ho justic hac ho rigueur,  
Distroit ho pobl diouz maleur.

Ha possabl ve, ô va Doue !  
Ve eur miserabl a deuffe  
Da brofani hoc'h Ilisou,  
Elec'h ma reomp hor pedennou !

Roit deo eur buniton,  
Pa zint quer cruel, quer dirêson :  
Grit ma tigoro an douar crenn  
D'o lounqa e punç an ifern.

Qen superb eo ar C'horonal,  
Ma zeo leun a c'hood criminal,

Hac e sònj hep hoc'h asistanç  
D'hon laza tout nep repetanç.

En e nerz ma e esperanç ;  
Mes c'houi , Doue , dre ho puissanc  
Hac ho craç a ell hon zouten ,  
Ma vezimp fidel d'ho lezen .

O sortial eus e repas ,  
Permetit , va Doue , dre ho craç ,  
Pa zeui ar güin d'en antêti ,  
Ec'h alfen dont d'e zistruji .

Grit ma teuìn da vesa trec'h ,  
Daoust peguen fêbl e ve va brec'h ,  
Da drec'hi e benn d'ar monstr-se ,  
A fell dezàn beza Doue .

Roit din-me ar gourach-se ,  
Ha laquit em guinou ive  
Comzou quer douç ha quer charmant ,  
M'en decevin en eun instant .

Hep offanç d'am virginité ,  
Permetit ma rìn va antre ,  
Ma ellin , pa vezo cousoet ,  
Trêc'hi penn ar monstr milliguet .

Evit ma viot anavezet  
Evit Doue partout dre'r bed ,  
Roue puissant ha General ,  
Crouer an eê hac an douar .

Va flac'h , ro din va boqedou ,  
Va farfum , va fandoreillou ,

Va habit leun eus a berlez,  
Ma zìn da zaludi Holofernes.

Laqit prest en eur valizen  
Peadra da veva eur zizun  
Ebars er c'hamp gant an arme,  
Me rai ar salud d'ar Roue.

Leqomp en Doue hor fizianç,  
M'hor c'hunduo dre e brovidanç ;  
Ne refus e c'hraç da hini ,  
Pa zeuer gant feiz d'e adori.

Me ho ped , pobl a Israël ,  
Mar doc'h en ho lezen fidel ,  
Da c'houlen sicour digantàn  
Da rezista er gombat-màn.

En em liquit en orêson ,  
Pedit Doue a vir galon ,  
Evit ma vimp victorius  
Var Holofernes maleürus.

Eliakim , Roue santel ,  
C'houi oll , Bêleyen Israël ,  
Gant courach en em gonsolit ,  
Hac evidomp-ni oll pedit.

Eur veach terrupl a antreprenàñ ,  
Evit an oll e partiàñ ;  
Dêc'h tout e lavarin adie ,  
En em laqit dirac Doue.

*Ar Vêleyen.*

Mont a reomp gant eur voez huel

Da bedi an Tad Eternel  
D'ho conservi diouz drouc-speret  
Er veach oc'h eus antreprenet.

Ho pet sònj ac'hanomp bepret,  
Rac tost eo an enemiet;  
Judith, ho pet calz a zourci,  
Allas ! prest voar da gombati.

*Santinel an Enemiet.*

Pelec'h e zit, Princes yaouanq?  
Ho qenet a zo ravissant;  
Perac tra en em exposi  
Da gaout qement all a zourci?

Chom allac'h e paciantet,  
Esfern ho poan hac ho yec'het;  
Evelse n'em brecipitit :  
Livirit petra a glisqit.

*Judith.*

En em recour a meus sònjet;  
Qen terrubl e zon gourdrouzet,  
Mar clasq ar bobl oc'h insulti,  
Ma fell din n'em sovetai.

Me a garfe, hep drouc ebet,  
Caout an enor, m'ar permetet,  
Da barlant eus ho Coronal  
Holofernes, Roue, General.

*Ar Soudardet.*

Ni a yêlo d'ho cundai,

Princes, oll gant hor mousqedî,  
Hac ho rento hep drouc ebet  
Bete'r C'horonal assuret.

*Judith.*

Roue puissant Holofernes,  
Rampart an oll binvidiguez,  
Me garre em be,emezi,  
Eur guinou aour vit ho meuli.

Eus ho Majeste an eclat  
A ra dîn mont qen agreabl,  
Monet a rân var va daoulin  
Dirac ho Majeste divin.

*Holofernes.*

Princes, deut d'en em assuri,  
Me ho ped, ha na grenit mui :  
Ho qenet en deus va charmet  
En instant ma meus ho qüelet.

Va daoulagad ha va c'halon  
Zo en em ravisset quer don;  
Savit promtamant en ho sa,  
Me eo, emezan, a dle soubla.

Judith, contit din ar sujet  
P'evit tra oc'h amâ deuet;  
Ha mar deus poan var ho speret,  
Certen e viot delivret.

Va c'halon zo e captivite;  
C'houi ell e denna ac'hane :

Netra tout dêc'h na refusin ,  
Ma accordit ar c'hrac-se din.

*Judith.*

D'ar famin e zint reduiset ;  
Eva reont goad an anevalet :  
Va zicour alfen dêc'h presta  
Evit donet da resista.

*Holofernes.*

Princes , cetu me tout charmet  
Dre'n eloqanç eus ho qüelet ;  
Ne meus sònj nemet ac'hanoc'h :  
Va oll fizianç a zo ennoc'h.

A bep hent oc'h eus desarmet  
Holofernes , Roue an Egyptet ;  
Me ro dêc'h gracou souveren ,  
Commandit c'houi hivisiqen.

*Judith.*

Mar permetit , dre ho madelez ,  
E chomin gant va zervicherez  
Da veva herves va lezen ,  
Yac'hoc'h calz en em gomporten .

Mont a rìn partout da vale  
Dre ar vro ha dre ar c'hontre :  
Mar em lezit en liberte ,  
Me a bedo bepret Doue.

*Holofernes.*

Princes noc'h eus nemet pourmen ,

En em gundai herves ho lezen ;  
It da vale dre va arme,  
Me ho recommando deze.

Nep rai drouc dêc'h, m'o funisso,  
Rac souden e zint d'ar maro  
Nep a guemero effronteri  
E nep fêçon d'oc'h insulti.

Deut da velet va zenzoriou,  
Va aour ha va oll finançou ;  
Dêc'h-u int, mar qirit iveau,  
Ma ne chenchit a volontez.

Me ya da dressi eur reget,  
Ma valeot elec'h ma qeret ;  
Mont à ran d'ho recommandi  
Ma teuy va fobl d'oc'h enori.

Vagao, prepar eur banquet  
Evit ma teuo d'am guelet  
Ar pennou bras eus va arme :  
C'hoant bras a meus da gomz oute.

Me a esper dre da gaqet  
Judith a dle beza charmet :  
Qê buan da laret dezi  
Dont fenoas da goannia d'am zy.

*Vagao.*

Princes, c'houi oc'h eus gonezet  
Graç vad ar Roue assuret :  
Bete bremâ oc'h eus güelet  
An amjie en deus bepret.

Dêc'h netra ne all da refus,  
Var e zaavez oc'h ar vestres;  
Digasset òn d'ho supplia  
Da zont fennos d'y da goania.

*Judith.*

Autrou, me voar em c'hemerit  
Dreist va enor ha va merit;  
Mont a ràn ganêc'h assambles  
Da veza d'ho Mestr servicheres.

Eun enor bras ê memes din;  
Servicha eur Mestr zo quer din;  
Eur Roue quer douç, quer charmant,  
Quer puissant ha quer vaillant.

*Judith hac Holofernes.*

Prinç, va Mestr, na veritân qet  
Beza ouz ho tol recevet;  
Mes sclér e velân ho calon  
Carguet evidòn a affection.

Hep compliment ec'h azeàn,  
En ho qichen sur e tostân,  
Evit contanti ho speret,  
Ha renta d'an oll joaüstet.

*Holofernes.*

Plijadur bras a guemerân  
Ouz ho qüelet em c'hichen bremân,  
A c'hraçou bras em oblijet,  
Va c'halon zo rejouisset.

Dibrit, evit, herves ho cout,  
Me zervich dêc'h a bep tra tout;  
Rac me hac ar gompagninez  
A zo charmet ganêc'h , Princes.

Arabat eo ober compliment  
En eur fest zo qen excelant;  
Yac'h, dispos, debrit hac evit,  
Evit sur er fin e sònjit.

*Judith.*

Va Frinç, va Autrou, accordit din  
Ar c'hraç na davin qet ho cuin  
En eur fest a zo qen charmant ,  
Qer caer ha qen rejouissant.

*Holofernes.*

Me ya da eva d'ho yec'het  
Assambles gañt va mignonet;  
Gant joa vrás ha rejouissanç ,  
Ravisset omp en assuranç.

*Judith.*

Vagao, an amzer zo deut ,  
Poent eo cass ho Mestr da gousqet :  
Goloit-én gant e lincelliou ,  
Hac hon lezit amâ hon daou.

Roit din ar c'hraç , va Doue ,  
Hac an nerz d'am breac'h ive ,  
M'ellin gant eur goutelacen  
Dont da drec'hi d'ar monstr e benn.

Evelse o pedi Doue,  
Judith o tostât ouz e vele,  
Gant un tol e deus dibennet  
Ar monstr evel eur milliguet.

Servicheres, tosta amâ;  
Ne c'heus asser mui da grena :  
Dal ar penn-mâ evit cuzet,  
Lezomp ar prinç amâ da gousqet

Doue ra vezò trugareqet,  
Ar vech-mâ e zomp delivret;  
Partia ellomp hep spont ebet,  
Ar passach zo deomp-ni permetet.

Va breudeur, deomp-ni digoret :  
Doue en deus hon delivret.  
Admiromp eta ar vertus  
Eus eur Brinces qer courajus.

Doue en deveus permetet,  
Dre zorn eur plac'h dister meurbet,  
Dont da zibenna eur geant  
A zònje beza oll-buissant.

Doue dre e zaouarn puissant  
En deus grêt dîn beza contant :  
Holofernes zo bet lazet;  
Cetu amâ e benn da velet.

Evit test e c'halvàn an eê  
Oun sortiet pur ac'hane;  
Va Æl-mad en deus va miret  
Qer pur vel ma zoan antreet.

Gant soign en deus va c'hunduet,  
Injor ebet ne meus souffret ;  
Rentomp dezàn hon enoriou,  
Gloar ha pep seurt meuleudiou.

*Judith.*

Alchior, ha te a ene  
Penn Holofernes, ar Roue ?  
Cetu-en aze o tivoada,  
Hac e gorf commancet da vreina.

Alchior, en em c'hra Christen,  
Hac en em zoumet d'hon lezen,  
Na ve c'hoarvout a rae ganes  
Evel gant Roue Holofernes.

*Alchior.*

Judith, ia, a greiz va c'halon  
Me a gred e Toue güirion ;  
Me zo prest d'en em zoumetti  
Qercoulz ha c'houi d'e adori.

Me gred e Doue éternel  
Hac én ar Mestr universel,  
Contant oun da veza Christen,  
Joa bras a meus ouz e lezen.

*Judith.*

Deomp var an enemiet,  
Ma vo ar victor achuet ;  
Cousquet int oll bremâ dija :  
Sonit an drompill d'o difuna.

Greomp seblant d'o c'hombati,  
Evit caout leac'h d'o choqi;  
Rac'pa velint ar gontel-mâ  
Leun a c'hoad, e teuint da sponta.

Pa e güelo ar zoudardet,  
An arme vezô deroutet :  
Sonit ar gombat, trampillou,  
Ma zai'r zoudardet d'o fostou.

*Ar Santinal.*

Vagao, ît da zifuna  
Ar General, contit dezâ  
E ranquer bremâ combati  
Ouz an arme a Vethuli.

Lavarit dezàn difuna ;  
Ar gardou aroc a dosta :  
Ne fot nemet e commandamant  
Da livra eur gombat sanglant.

*Vagao.*

Va C'horonal, pront difunet,  
Commanç ar gombat a zo prest ;  
An enemiet zo deut varnomp,  
Hac a ra goab eus ac'hanomp.

Emê'r maleur zo êruet  
En nôs-mâ sur va mignonet !  
Hor General zo dibennet  
Dre e finessa gant Judith.

Collet omp tout, ret eo tec'het,

Pa zeo ar c'horonal dibennet :  
Tec'homp diouz Doue Israël,  
A ra deomp eur glac'har mortel.

*Ar Pontifet hac ar Vêleyen a Vethuli.*

Criomp buez hir da Judith,  
Hor brinces fur, leun a verit.  
Ha nerz d'e brec'h victorius,  
Pe dre hini Doue zo glorius.

Canit oll gloar, Jerusalem,  
D'ar Brinces Judith, bep Christen,  
E deus lazet eun den cruel,  
Evit delivra pobl Israël.

Deomp d'an Ilis tout assambles  
Da gana canticou nevez,  
Evit meuli e Vajeste  
Ha dont da veuli hon Doue.

Offromp hor c'halon da Zoue,  
Hor c'horf, hor speret, hon ene,  
Pa vezor buez finisset,  
M'on recevo er joaüstet.

FIN.